


續資治通鑑

壽潛



續資治通鑑卷第九十二

賜進士及第兵部尚書兼都察院右都御史總督兩湖等處地方軍務兼理糧餉世襲二等輕車都尉畢沅編集

宋紀九十二

起崩蒙協洽正月燕獵
園作噩十二月凡三年

徽宗體神合道駿烈遜功聖文仁德憲慈顯孝皇帝

政和五年

遼天慶五年
金收國元年

春正月壬申朔女直阿古達稱皇帝謂其下曰遼以賓鐵爲號取其堅也賓鐵雖堅終亦變

壞惟金不變不壞金之色白完顏部色尙白於是國號大金改元收國更名旻鄂蘭哈瑪爾舊作阿離合懃今改及宗翰以耕

具九爲獻祝曰使陛下無忘稼穡之艱金主敬而受之旋以鄂蘭哈瑪爾爲古論貝勒舊作國論勃極烈今改丙子金主自

將攻黃龍府進臨益州州人走保黃龍取其餘民以歸丙戌瀘南晏州夷卜漏等反攻梅嶺堡陷之晏州六縣

水路十二邨及十州五邨團思峨洞諸熟夷素黠勇善鬪大中祥符元豐間屢爲邊患瀘帥賈宗諒武人也喜生

事嘗以需竹木擾夷夷怨之至是又誣致其酋斗箇旁等罪杖脊黥配諸夷憤怒卜漏遂主盟合從入寇因上元

張燈襲破梅嶺堡知寨高公老妻族姬也公老嘗攜族姬以金玉器與卜漏輩飲思峨洞卜漏豔之故來攻公老

遁去遂略其妻及金玉四出焚掠以歸族姬濮安懿王之曾孫於帝服屬爲近事聞帝甚駭時蜀久安人異懷不

習兵所至闕戰守備遠近聞警騷動梓州轉運使趙適案部次昌州卽馳至瀘而提點刑獄賈若水亦至適恐

賊逾瀘水益難禦乃急督宗諒率兵進屯江安縣據水當賊衝且以近邊諸壘轉餉給軍儲備無乏若水摘比近

巡尉兵旣至又成都利夔路援師亦集與宗諒所部得衆萬餘逮賊再犯武靈樂共梅嶺宗諒出兵與賊戰官軍

大衄裨將陳世基等死之賊屢勝愈猖獗出沒無虛日蜀土大震己丑令諸州縣置醫學立貢額甲午改龍

州爲政州遼遣行軍都統耶律鄂爾多

舊作訛里

左副統蕭伊蘇

舊作乙薛今改

右副統耶律章努

舊作張奴今改

都監蕭色佛埒

舊作謝佛

留今騎

二十萬步卒七十萬戍邊遼主率兵趨遼

舊作遼營

城次寧江州西遼主下詔親征遣僧嘉努

舊作僧家奴今改

持

書約和斥金主舊名且使爲屬國金主遣薩喇

舊作賽刺今改

復書若歸叛人阿蘇

舊作阿蘇今改

遷黃龍府于別地然後議之庚子

進師逼遼嚙嚙城金主登高望遼兵若連雲灌木狀顧謂左右曰遼兵心貳而情怯雖多不足畏遂趨高阜爲陳

宗雄以右翼先馳遼左軍左軍卻右翼出其陳後遼右軍皆力戰洛索

舊作婁室今改

尼楚赫

舊作銀允可今改

衝其堅凡九陷陳皆

力戰而出宗翰請以中軍助之金主使宗幹往爲疑兵宗雄已得利擊遼右軍遼兵遂敗乘勝追躡至其營會日

已暮圍之黎明遼軍潰圍出逐北至阿嚙

舊作阿嚙

遼步卒盡殲是役也遼人本欲屯田且戰且守故金并得其耕

具以給諸軍童貫遣熙河經略使劉法將步騎十五萬出湟州秦鳳經略使劉仲武將兵五萬出會州貫以中

軍駐蘭州爲兩路聲援仲武至清水河築城屯守而還法與夏右廂軍戰于古骨龍大敗之斬首三千級二月

乙巳立定王桓爲皇太子甲寅册皇太子赦天下庚午以童貫領六路邊事時永興鄜延環慶秦鳳涇原河

西各置經略安撫使以貫總領之于是西兵之柄皆屬於貫遼饒州渤海摩哩

舊作古欲今改

等反自稱大王遼主遣蕭

色拂埒等討之三月辛未朔太白晝見金主獵於寥晦城癸酉張商英復通奉大夫提舉崇福宮梓州路

轉運使趙適密奏賈宗諒激變晏夷之罪且曰瀘南邊事轉運使官不當干預臣不敢坐視已收羸兵馳赴樂共

城權行招安之策庶邊徼早得寧息然適本意乃欲事事進討兵端愈大矣詔罷宗諒等審度事宜如晏夷尙敢

猖獗卽仰前去掩殺若已退散著業或悔過歸降卽不得要求功賞別生事端代以康延魯而聽適節制甲申

追論至和嘉祐定策功封韓琦爲魏郡王復文彥博官丁亥詔以立皇太子見責降文武臣僚並與牽復甄敘

凡千五百人 壬辰升舒州爲德慶軍節度 癸巳賜禮部奏名進士出身何臬等六百七十人 夏四月甲辰作

葆真宮 丙午趙適奏節次招到晏州夷賊千餘人及首領斗岡等二百四十七人又說諭到賊首卜漏等十餘

人俱來梅賴邨壩去君城十里與所差使臣同刺猫牲雞血和酒飲誓稱一心歸宋更不作過比引問於聽事之

所先以疏其過惡次以明數君父不殺之恩率皆面闕稽顙再拜以謝臣卽犒以酒食錫以銀采俾令著業遂分

兵修復梅嶺堡兼剏築諸城寨以備不虞 丁未詣景靈宮還幸祕書省進館職官一等 庚戌改集英殿爲右

文殿 癸丑遼蕭色佛埒等爲渤海摩哩所敗以南面副部署蕭託斯和爲都統赴之託斯和與摩哩戰復敗績

癸亥置宣和殿學士詔東宮講官罷讀史 遼主使耶律章努等齎書使金斥其主名冀以速降金主以爲書

辭侮慢留其五人獨遣章努還報書亦如之 五月庚午朔金主避暑于近郊甲戌拜天射柳自後每歲以五月

五日七月十五日九月九日拜天射柳 六月己亥朔遼章努復以國書致金主猶斥其名辭與前同金主亦斥

遼主名以報之且諭之使降 癸丑以修三山河橋降德音于河北東京西路蔡京以孟昌齡爲都水使者獻

議導河大伾可置永達浮橋謂河流自大伾之東而來直大伾山西而止數里方回南東轉而過復折北而東則

又直至大伾山之東地形水勢迫束相直曾不十餘里且地勢卑不可以成河倚山可爲馬頭又有中潭正如河

陽若引使穿大伾大山及東北二小山分爲兩股而過合于下流因三山爲趾以繫浮梁省費數十百倍可寬河

朔諸路之役朝廷喜而從之置提舉修繫永橋所調役夫數十萬民不聊生至是工畢詔提舉所具功力等第聞

奏又詔居山至大伾山浮橋屬濬縣者賜名天成橋大伾山至汶子山浮橋屬滑州者賜名榮光橋俄改榮光曰

聖功御製橋銘磨崖刻之昌齡遷工部侍郎方河之開也水流雖通然湍激猛暴遇山稍隘往往泛溢近砦民夫

多被漂溺因及通利軍後遂注成巨礫云

秋七月戊辰朔日有食之

攷異遼金二史不書是年日食今從宋史

金主以弟烏奇邁爲安

班貝勒

舊作諸班勒極烈今改

以國相薩哈

舊作撒改今改

弟杲並爲古論貝勒

舊作國論物極烈今改

乙亥升汝州爲陸海軍節度

丁丑詔建明

堂於寢之南

趙通奏晏州夷賊渝盟作過出沒剽掠若置而不問恐養成姦惡別生大患不可不早爲之計但

事力未勝不敢輕舉深入乞就秦鳳涇原環慶路共調兵三萬前來攻討詔永興路選兵二千人赴之 辛巳又

詔涇原發兵三千環慶二千押赴瀘南聽用仍以趙通爲瀘南招討統制使王育馬覺爲同統制雷迪丁升卿軍

前承受孫義安王良弼應副錢糧並聽通節制

甲申以昭慶軍節度使蔡卞爲開府儀同三司

是月遼使薩

喇

舊作薛喇今改

以國書致金主金主留之不遣

八月戊戌朔金主自將攻黃龍府次混同江無舟金主使一人導前乘

緒白馬徑涉曰視吾鞭所指而行諸軍隨之水及馬腹後使舟人測其渡處深不得其底 己亥都水監言大河

已就三山通流正在通利之東慮水溢爲患乞移軍城于大伾山居山之間以就高仰從之 己酉詔祕書省移

于他所以其地爲明堂杭州觀察使陳彥言明堂基宜正臨內方稍東以據福德之地故有是詔命蔡京爲明堂

使開局興工日役萬人

庚戌詔中書舍人陳邦光提舉洞霄宮池州居住先是邦光以中書舍人兼太子詹事

會蔡京獻太子以大食琉璃酒器羅列宮庭太子怒曰天子大臣不聞道義相訓乃持玩好之具蕩吾志邪命左

右擊碎之京聞邦光實激太子含怒未發遂因事斥之 辛亥升通利軍爲濬州

嗣濮王仲增薨弟仲御嗣

丙

寅陳瓘特敘承事郎許任便居住緣立太子赦也瓘既寓通州而盛章與石械有隙取密旨編置通州揚言爲瓘

報仇瓘聞而歎曰此豈盛世所宜有邪因謀徙避遂挈家至九江卜居焉 九月丁卯朔遼黃龍府陷于金金主

遣遼使薩喇邁遂班師至混同江徑度如前金宗翰及其弟宗弼

本名烏珠舊作兀朮

等遣書遼主陽爲卑哀之辭實欲求戰

遼主怒下詔親征有女直作過大軍翦除之語金主聚眾務面仰天慟哭曰始與汝等起兵蓋苦契丹殘忍欲自立國今天祚親征奈何非人死戰莫能當也不若殺我一族汝等迎降轉禍爲福諸軍皆曰事已至此惟命是從

癸巳金以古論貝勒薩哈爲古論呼圖貝勒

舊作國論忽魯勃極烈今改

鄂蘭哈瑪爾

舊作阿離合懣今改

爲古論伊實貝勒

舊作國論乙室貝勒今改

王

厚與劉仲武合涇原鄜延環慶秦鳳之師攻夏臧底河城敗績死者十四五秦鳳等三將全軍萬人皆沒厚懼罪

重賂童貫置不以聞未幾夏人大掠蕭關而去

遼師渡混同江副都統耶律章努

舊作張奴今改

反奔上京謀迎立魏國

王瀋遼主遣駙馬蕭昱領兵詣廣平淀護后妃行宮實達爾伊

舊作小底乙信今改

持書馳報瀋時章努先遣瀋妃親弟蕭

迪里

舊作譚里今改

以所謀說瀋瀋曰此非細事主上自有諸王當立北南面大臣不來而汝言及此何也密令左右拘之

有頃伊遜齎御札至備言章努等謀廢立事瀋對伊遜號哭立斬迪里首以獻單騎問道詣廣平淀待罪遼主遇

之如初章努知瀋不見聽乃率麾下掠取上京府庫財物至祖州率其黨告太祖廟數遼主過惡移檄州縣遂結

渤海羣盜數萬趨廣平犯行宮不克北趨上順國女直阿固齊

舊作阿楠鹿今改

以三百騎一戰勝之擒其貴族二百餘人

並斬以徇餘得脫者皆奔金章努詐爲使者亦欲奔金爲邏者所獲縛送行在腰斬于市剖其心以獻祖廟支解

以徇冬十月癸卯以嵩山道人王仔昔爲沖隱處士仔昔豫章人自言遇許遜眞君授以大洞隱書豁落七元

之法能知人禍福王老志死後仔昔來都下帝知之召令踵老志事寓蔡京第因有是命己酉趙適統兵發江

安縣親督王育由樂共城路命馬覺以別部由長寧軍路張思正由梅嶺堡水蘆氈中路期悉會于晏州輪縛大

國合陝西三路兵將本路士軍義軍士丁子弟矛甲弓手人夫共三萬五百四十人戊午夏人入貢十一月

癸酉錄昭憲杜皇后之裔庚辰趙適攻破晏州輪縛大國夷賊卜漏遁去官軍追獲之降者相繼而至諸國悉

平初王育等既攻破上下落樣邨及思義州所向着破竹無不卽下遁遂與馬覺張思正軍皆至輪縛大囤其山
崛起數百仞周四十餘里卜漏居之凡諸國之奔亡者悉歸於此共保聚拒守賊自上施矢石直瞰官軍中者卽
蓋粉官軍以彊弓弩射之曾不能及半兵陳四周凡累日將士相顧無計瀘州都巡檢使种友直山西將家子沈
密能任事思黔州巡檢田祐恭本思黔夷所部土丁藥箭手輕趨習山險遁乃微服乘馬命友直祐恭從案視形
勢見山隈崖壁尤陡絕賊以險故不設備遁乃悉移軍當賊而命二人率所部軍于下謂曰此處崖壁疑可以計
登且山多獐思黔人善能捕取汝等急辦之信宿友直捕得生獐數千遁喜曰事濟矣乃悉以成算授友直且令
諸軍各備雲梯視山上火發卽以進是日友直選所部與祐恭之衆得二千餘紉麻爲長炬灌以膏蠟使羣獐背
負之莫夜先以數輩登崖巔繫繩梯數十縋而下衆各銜枚挈羣獐次第挽繩梯而登難方唱衆已悉登及柵乃
然炬縱獐賊廬舍皆茅竹爲之羣獐所厯火輒發賊奔呼撲救不暇獐益驚跳火益熾爭前驅逐羣獐官軍已破
柵鼓譟擊其後賊猶與官軍力鬪適望火發令諸軍撾鼓俱以雲梯進賊蹂亂官軍內外相應遂斬關環城而登
卜漏從諸酋突圍遁遁命友直及統領官劉慶以步騎五千追至山後擒卜漏及諸酋長遁自入酋境至破輪縛
凡所平州二縣八諸國三十餘城以其地之要害者建置寨堡拓地環二千餘里皆衍沃宜種植畫其疆畝募並
邊之人耕之使習戰守如西北弓箭社之制號曰勝兵 庚寅高麗遣子弟入學 是月遼主自將親軍七十萬
馳至駙馬門蕭特默舊作特林牙蕭薩喇舊作察等將騎兵五萬步卒四十萬至幹鄰濼金主自將禦之 十二月
己亥升遂州爲遂寧軍節度 乙巳遼都監章嘉努舊作張家奴叛考異遼史本紀分章嘉努章努爲二人丙午以趙遁爲龍
圖閣直學士知熙州 金主行次約羅舊作及會諸將議皆曰遼兵號七十萬其鋒未易當吾軍遠來人馬疲乏

宜深溝高壘以待從之 丁未金主以騎兵親候遼軍獲督餉者知遼主以耶律章嘉努叛西還二日矣諸將請

追擊之金主曰敵來不迎戰去而追之欲以此爲勇邪衆皆悚愧願自效金主曰誠欲追敵約齎以往無事餽

若破敵何求不得衆皆奮躍追及遼主於呼卜圖舊作誤步答今改岡是役也兵止二萬金主曰彼衆我寡兵不可分視其

中軍最堅其主必在焉敗其中軍可以得志乃使右翼先戰兵數交左翼合而攻之遼兵潰金師馳之橫出其中

死者相屬百餘里獲輿輦帝幄兵械軍資他寶物馬牛不可勝計金師乃還 己未遼錦州刺史耶律珠澤叛應

章嘉努遣北面林牙耶律瑤格舊作馬討哥今改之 庚申以平晏夷曲赦四川 癸亥置瀘南沿邊安撫司以孫義叟爲

集賢殿修撰知瀘州充安撫使 遼以北院宣徽使蕭聖嘉努舊作韓家奴今改知北院樞密使事南院宣徽使蕭特默爲

漢人行宮都部署 是歲平江府常湖秀三州水 夏改元雍寧六年遼天慶六年金收國二年春正月丙寅朔遼東京有惡少

年十餘乘酒執刃踰入留守府問留守蕭保先所在今軍變請爲備保先出刺殺之戶部使大公鼎聞亂卽攝留

守事與副留守高清明集奚漢兵千人盡捕其衆斬之撫定其民東京故渤海地遼太祖力戰二十餘年乃得之

而保先嚴酷北海苦之故有是變其裨將渤海高永昌時以兵三千屯八甌口見遼政日衰金勢方彊遂覬覦非

常誘渤海并戍卒入遼陽據之旬日之間遠近響應有兵八千人因僭稱國號大元建元隆基遼主遣蕭伊蘇舊作

乙薛高興順招之永昌拒命不從 戊子以瀘南獻捷轉宰職一官 以童貫爲陝西河北宣撫使 是日金主

下詔曰自破遼兵四方來降者衆宜加優恤自今諸部官民已降或爲軍所俘獲逃遁而還者勿罪仍官其酋長

且使從宜居處 閏月壬寅升潁州爲順昌府 庚申太府寺丞王鼎奏五禮新儀旣已成書欲乞依倣新樂頒

行之仍許令州縣召募禮生肄業於官使之推行民間專以新儀從事 辛酉開封府尹王革奏乞下國子監委

學官將新儀內冠昏喪祭民間所當通知者別編類作一帙鏤板付諸路學事司勸諭學生務令通知節文之意並從之 遼貴德州守將耶律伊都舊作余都今改以廣州渤海叛附高永昌遼主遣蕭罕嘉努張琳討之 二月壬申令

道教改隸祕書省 癸未詔訪聞棣州士人劉棟疏食葆神虛心契道人之隱奧洞然照知處方書符每有應驗

可令敦遣赴尙書省審驗外於上清寶籙宮安下仍給路費驛券遞馬無令失所 丁亥詔增廣天下學舍 庚

寅詔廣京城 遼侍御司徒託卜嘉舊作捷不嘉也今改等討章嘉努戰于祖州敗績復遣漢人行宮都部署蕭特默率諸將

討之章嘉努誘饒州渤海及中京賊侯槃等萬餘人攻陷高州 三月癸丑賜上舍生十一人及第 乙卯賜王

仔昔號通妙先生 遼東面行軍副都統蕭酬幹等擒侯槃於川州改吳侯槃叛從章嘉努見本紀而遼史耶律章努傳又以侯槃從章努爲亂蓋不辨章努章嘉努爲兩人也今從本紀

夏四月乙丑會道士于上清寶籙宮宮建于景龍門對晨暉門密連禁署用道士林靈素言也靈素永嘉人少

從浮屠學苦其師管罵去爲道士左街道錄徐知常引之以附會諸閭時王仔昔寵稍衰帝訪方士於知常以靈

素對一見帝視如舊識靈素大言曰天有九霄而神霄最高其治曰府神霄玉清王者上帝之長子主南方號長

生大帝君陛下是也既下降于世其弟號青華帝君者主東方攝領之已乃府仙卿曰褚慧亦下降帝君之治又

目蔡京爲左元仙伯王黼爲文華吏蔡攸爲園苑寶華吏鄭居中劉正夫盛章王革及諸巨閹皆有名位而貴妃

劉氏方有寵則曰九華玉真安妃也帝心獨喜其說賜號通真先生作上清寶籙宮帝時登皇城下視之由是開

景龍門城上作複道通寶籙宮以便齋醮之事 辛未尙書右僕射何執中致仕執中輔政一紀年高疾甚賜之

寬告他日造朝命止赴六參起居退治省事遂以太傅榮國公就第朝朔望儀物廩稍一如居位時入見帝曰自

相位致爲臣數十年無此矣執中對曰昔張士遜亦以舊學際遇用太傅致仕與臣適同帝曰當時恩禮恐未必

爾執中頓首謝執中嘗爲端王侍講故終始恩遇不替然無所建明惟以謹畏迎順主意贊飾太平而已 遼主親征章嘉努癸酉敗之甲戌誅叛黨饒州渤海平丙子賞平賊將士有差而蕭罕嘉努張琳復爲賊餘黨所敗

丁丑詔天靈諸節及壬戌日杖以下罪聽贖 丙戌却監司守臣進獻 蔡京三上章乞致仕帝不允庚寅詔京

三日一造朝正公相位通治三省事 辛卯高陽關路安撫使吳玠言冀州棗強縣黃河清詔許稱賀 五月甲午

朔令蔡京遇朔望赴朝三日一知印當筆不赴朝日許府第書押尋又詔自今遇有奏事非造朝日亦赴仍許正

謝 丁酉廢錫錢 庚子以鄭居中爲少保太宰兼門下侍郎劉正夫爲特進少宰兼中書侍郎時蔡京大興工

役民不聊生變亂法度更無所師居中每爲帝言帝亦惡京專乃拜居中太宰使伺察之又以正夫議論數與京

異拜爲少宰居中存紀綱守格令抑僥倖振淹滯士論翕然望治 壬寅以保大軍節度使鄧洵武知樞密院事

遼主以章嘉努既平將清暑散水原蕭託斯和舊作陶蘇請曰今邊兵懈弛若清暑嶺西則漢人嘯聚民心益搖

臣愚以爲宜罷此行不納 先是高永昌使託卜嘉求援于金且曰願并力以取遼金主使呼寶布舊作湖沙謂永

昌曰同力取遼固可東京近地汝輒據之以僭大號則不可若能歸款當授王爵永昌不從金主乃遣幹魯舊作

改今帥諸軍攻永昌遇遼兵敗之遂取瀋州永昌聞之大懼使家奴喀喇舊作鐸詣金師請去僭號稱藩幹魯知其詐

進兵攻之永昌遂支解呼寶布等率衆拒金遇于活水金師既濟永昌之軍不戰而却逐北至遼陽城下明日永

昌盡率其衆與金戰大敗以五千騎奔長松島遼陽人執永昌妻子以城降託卜嘉亦執永昌以獻金主命殺之

于是遼之東京州縣及南路係遼女直皆降于金金主詔除遼法省賦稅置明安穆昆以幹魯爲南路都統沃梭

論舊作幹今改知東京事 六月乙丑遼籍諸路兵有雜畜十頭以上者皆從軍 丙寅班中書官制格 庚午慮囚 甲

戊詔堂吏遷官至奉直大夫止 庚辰遼魏國王淳進封秦晉國王爲都元帥以上京留守蕭託卜嘉爲契丹行

宮都部署兼副元帥 癸未皇太子立妃朱氏妃祥符人武泰軍節度使伯材女也 丁亥遼知北院樞密使事

蕭罕嘉努爲上京留守 秋七月壬辰朔以震武城爲震武軍 甲午以德妃崔氏爲貴妃 辛亥宴州夷賊卜

漏及沅州黃安俊定邊軍李吡嘑並伏誅詔函首于中庫 壬子曲赦湖北 戊午蔡京請名三山橋銘閣曰繼

禹冀文之閣門曰銘功之門 己未解池生紅鹽 辛酉改走馬承受公事爲廉訪使者 遼主獵于秋山春州

渤海二千餘戶叛東北路統軍使勒兵追及盡俘以還 八月壬戌朔戒北邊帥臣毋生事 己巳以侯蒙爲中

書侍郎薛昂爲尙書左丞 改吳侯薛二人除授宋史徽宗紀在十一月戊申今從寧輔編年錄 庚辰蔡京奏臣昨以年逮七十加之疾病乞解機務蒙恩

特許三日一朝今臣病已痊筋力尙可勉強伏望許臣日奉朝請其治事卽依已降指揮從之 壬午詔天下監

司郡主搜訪巖谷之士雖恢詭譎怪自晦者悉以名聞 丁亥詣建隆觀遂幸蔡京賜第 己丑升晉州爲平陽

府壽州壽春府齊州濟南府 是月金薩里罕 舊作撒離喝今改 陷遼保州保州本高麗地薩里罕攻之久不克請濟師高

麗使謂金曰保州本吾壤土願以見還金主曰爾其自取之金主乃益薩里罕兵無合高麗至是拔之 九月辛

卯朔帝奉玉冊玉寶詣玉清和陽宮上尊號曰太上開天執符御歷含仁體道昊天玉皇上帝 丙申赦天下令

洞天福地修建宮觀塑造聖像又禁中外不許以龍天君王帝上聖皇等爲名字 癸卯詔定鼎閣於天章閣以

方士王仔昔言九鼎神器宜納之禁中不可處外也命蔡京爲定鼎禮儀使 丙午遼主謁懷陵 己未以童貫

爲開府儀同三司 金始製金牌 冬十月乙丑太白晝見 丁卯遼以張琳軍敗奪其官 戊寅張商英復觀

文殿學士 烏庫部叛遼遼遣中丞耶律託卜嘉招之庚辰烏庫部降 甲申詔誠感殿長生大帝君神像可遷

赴天章閣西位鼎閣奉安

攷吳李肅據王輔宣和殿降聖記云歲在丁酉皇帝乃悟本長生大帝君丁酉歲政和七年也蓋條史補云政和七年林靈素有神寶玉清王者之說則六年猶未有長生大帝君也因此條爲誤書今案宋史大元四月清會通十

上清靈寶宮則其時靈素已見幸宮已建而像已設飾像所言乃降神之事耳非是建宮設像亦在七年也

辛卯蔡京等言冀州三山河清乞拜表稱賀 十一月甲午詔帝鼎

改爲龍鼎正南形鼎爲明鼎西南阜鼎爲順鼎正西晶鼎爲蘊鼎西北魁鼎爲建鼎正北寶鼎依舊東北牡鼎爲

蘇鼎正東倉鼎爲育鼎東南岡鼎爲潔鼎鼎閣爲圖象徽調之閣閣上神像在周鼎星君中帝席星君右大角星

君閣下鼎鼎神像各守逐鼎排列亦用王仔昔建議也 己亥祀圖丘赦 庚子以禮部尙書白時中爲尙書右

丞 戊申遼東面行軍副都統瑪格舊作馬哥今改攻金之哈斯罕舊作曷蘇館今改敗績遼主洎其官 夏人大舉兵攻涇原靖夏

城時久無雪夏人使數萬騎繞城踐之塵起漲天乃潛穿壕爲地道入城中城遂陷屠之而去 十二月庚申朔

金安班貝勒烏奇邁及羣臣上其主尊號曰大聖皇帝改明年爲天輔元年 己巳以婉儀劉氏爲賢妃 乙亥

遼封庶人蕭氏爲太皇太妃 戊寅以熙河進築功成進執政一官 乙酉尊九鼎于圖象徽調閣翼日復詣閣

行香百官陪位 特進少宰劉正夫罷正夫由博士入都馴致宰相能迎時上下持祿養權至是以開府儀同三

司致仕 是歲茂州夷至永壽內附以其地置壽寧延寧軍

七年遼天慶七年金天輔元年春正月乙未令天下道士與免階墀迎接衙府宮觀利配借索騷擾郡官監司相見依長老法

庚子以殿前都指揮使高球爲太尉 甲寅遼滅廐馬粟分給諸局 是月金軍攻遼春州遼東北面諸軍不戰

自潰女古皮室四部及渤海人皆降于金貝勒杲復陷泰州 二月癸亥以大理國主段和譽爲雲南節度使大

理國王 甲子詔通眞先生林靈素于上清寶籙宮宣諭清華帝君降臨事初劉混康虞仙姑王老志王仔昔皆

爲帝所禮然其神怪事多出自方士也及靈素至乃以事歸之於帝而曰己獨佐之每自號小吏佐治故上下莫

有攻其非者然靈素實無術徒敢爲大言是時帝興道教將十年獨思未有一獸服羣下者靈素因希指造爲清華帝君夜降宣和殿事假帝誥天書雲篆帝乃會道士二千餘人於上清寶籙宮俾靈素宣諭其事左街道錄傅希烈等皆作記上之 丁卯御右文殿策高麗進士 辛未詔天下天靈萬壽觀改爲神霄玉清萬壽宮仍於殿

上設長生大帝君青華帝君聖像

乙亥幸上清寶籙宮命靈素講道經自是每設大齋費緡錢數萬謂之千道

會令士庶入殿聽講帝爲設幄其側靈素據高座使人於下再拜請問然所言無殊絕者時雜以捷給嘲詆以資嬉笑復令吏民詣宮受神霄祕籙朝士之嗜進者亦靡然從之 遼瀋水賊董龐兒聚衆萬餘西京留守蕭伊

蘇南京統軍都監扎拉

舊作查刺今改

與戰于易水破之

三月庚寅賜高麗祭器高麗進士權適等四人賜上會及第

乙未以童貫領樞密院

丙申升鼎州爲常德軍節度

壬子御製明堂上梁文

遼董龐兒之黨復聚蕭伊蘇復

擊破之

夏四月庚申帝諷道錄院曰朕乃昊天上帝元子爲大霄帝君觀中華被金狄之教焚指煉臂舍身以

求正覺朕甚閔焉遂哀懇上帝願爲人主令天下歸于正道帝允所請令弟青華帝君權朕大霄之府朕夙昔驚

懼尙慮我教所訂未周卿等可上表章册朕爲教主道君皇帝于是羣臣及道錄院上表册之然止用于教門章

疏而不施于政事也教主道君皇帝者卽長生大帝君道教五宗之一所謂神化之道感降仙聖不係教法之內

者也

辛酉升温州爲應道軍節度爲林靈素也

丙子詔親祀明堂

五月戊子朔升慶州爲慶陽軍節度渭

州爲平涼軍節度

己丑詣玉清和陽宮上地祇徽號詔曰王者父天母地乃者祇率萬邦黎庶彊爲之名以玉

册玉寶昭告上帝而地祇未有稱謂謹上徽號曰承天效法厚德光大后土皇地祇詣宮上寶册儀禮一如上帝

辛卯命蔡攸提舉祕書省并左右街道錄院

乙未詔權罷宮室修造

辛丑祭地于方澤降德音于諸路

以監司州縣共爲姦職令廉訪使者察奏仍許民徑赴尙書省陳訴 癸卯改玉清和陽宮爲玉清神霄宮 乙

巳遼主命園場隙地許民樵采 丁未詔應監司兼領措置起發花石 金主命自收寧江州以後同姓爲婚者

杖而離之 六月戊午朔以明堂成進封蔡京爲陳魯國公京辭兩國不拜詔官其親屬二人 己未童貫加檢

校少傅梁師成爲檢校少保宣和殿學士蔡攸盛章開封尹王革顯謨閣待制 蔡條蔡條各遷官有差皆以

明堂成推賞也 乙亥蔡京等上表請御明堂聽朝頒常視朔詔答不允表三上乃從之 辛巳遼以同知樞密

院事伊勒嘉^{一作余里}爲北院大王 壬午詔禁巫覡 丙戌貴妃宋氏薨 秋七月丁亥朔令僧徒如有歸心道

門願改作披戴爲道士者許赴輔正亭陳訴立賜度牒紫衣 壬辰熙河環慶涇原地震 庚子詔八寶內增定

命寶今後以九寶爲首 癸卯遼主獵於秋山 自建隆初女直嘗由蘇州泛海至登州賣馬故道雖存久閉不

通至是金之蘇州漢兒高藥師曹孝才及僧卽榮等率其親屬二百餘人以大舟浮海欲趨高麗避亂是月爲風

漂遼宋界馳基島備言女直旣斬高永昌渤海漢兒羣聚爲盜契丹不能制女直攻契丹奪其地已過遼河之西

知登州王師中具奏其事朝議固欲交金以圖遼聞之甚喜乃召蔡京及童貫等共議卽共奏國初時女直常貢

奉而太宗屢詔市馬女直其後始絕宜降詔遵故事以市物爲名就令訪聞事體虛實乃詔師中選差將校七人

各借以官用平海指揮兵船載高藥師等齎市馬詔泛海以往^{攷異李綱曰此據金盟本末稍增以北征記如蔡條所云蔡京久不}

於童貫耳要京與貫^皆貽禍者京偶以十一^如月六日免簽納務遂欲藉此欺世固不信也 政和初蔡京被召帝戲語京子攸謂須進土宜遂得橄欖一小株雜諸草木

進之當時以爲珍其後又有使臣王永從士人俞輞皆隸蔡攸每花石至動數十舟盛章守蘇州及歸作開封尹

亦主進奉然朱勔之綱爲最四年以後東南郡守二廣市舶率有應奉多主蔡攸至是則又有不待旨者但進物

至計會諸閩人閩人亦爭取以獻焉天下乃大驪然矣大率太湖靈璧慈谿武康諸石二浙花竹雜木海錯福建異花荔子龍眼橄欖海南椰實湖湘木竹文竹江南諸果登萊淄沂海錯文石二廣四川異花奇果貢大者越海渡江毀橋梁鑿城郭而置植之皆生成異味珍苞率以健步捷走雖萬里用四三日卽達色香未變也蔡京因奏陛下無聲色犬馬之奉所尙者山林竹石乃人之棄物但有司奉行過當可卽其浮濫而懲艾之乃作提舉人船所命巨闢鄧文誥領焉又詔監司郡守等不許妄進其係應奉者獨令朱勔蔡攸王承從俞綱陸漸應安道六人聽旨他悉罷之由是稍戢未幾天下復爭獻如故又增提舉人船所進奉花石綱運所過州縣莫敢誰何殆至劫掠遂爲大患 八月丙辰朔宣和殿大學士蔡攸奏莊列亢桑文子皆著書以傳後世今莊列之書已入國子學而亢桑子文子未聞頒行乞取其書精加讎定列于國子之籍與莊列並行從之 癸亥詔明堂并祀五帝少保太宰鄭居中以母憂去位居中與蔡京不相能及居喪京懼其起復以居中王珪之壻乃使蔡確子懋重理定策事以沮之遂追封確清源郡王御製碑文立石墓前而擢懋同知樞密院事用居中諸子於朝懋卽渭也 丙寅遼命都元帥秦晉王湻赴沿邊會四路兵馬防秋 金之拔保州也高麗兵已在城中金人入守高麗王復使蒲馬如金賀捷且曰保州本吾舊地願以見還金主曰保州近爾邊境聽爾自取今乃勤我師徒破敵城下地何可得也 九月戊子詔湖北民力未舒胡耳西道可罷進築 辛卯祀上帝於明堂以神宗配享赦天下 乙未特進少宰劉正夫卒 丙申以御史中丞王安中爲翰林學士安中之爲中丞也一日請對曰臣起諸生蒙陛下親擢備員中執法懼無以報今臣所論事關宗社倘陛下少留聽采幸甚帝悚然安中出袖中疏所論乃蔡京也帝曰誠如卿言安中卽伏奏曰臣孤遠一介不自量力輒論大臣京老姦多智必將爲所中害自此竄逐無復再

望清光矣願拜辭帝曰勿如此當爲卿罷京時蔡攸日夜出入禁中盡率子弟見帝泣且拜帝曰中司文字如此奈何攸等固懇陛下儼全臣宗乞移安中一別差遣則事自已矣帝惻然許之安中方草第三疏翼日求對中夜有扣門者曰適御筆中丞除翰林學士日下供職矣安中歎曰吾禍其在此乎自是京之勢益盛 丁酉西蕃王子益麻党征降見于紫宸殿 癸丑貴妃王氏薨 遼主自燕至陰涼河置怨軍八營募自宜州者曰前宜後宜自錦州者曰前錦後錦自乾自顯者曰乾曰顯又有乾顯大營二萬八千餘人屯衛州蔡山 冬十月乙卯朔御明堂平朔左个以是月天運政治布告天下又頒來歲歲運歷數 遼主至中京 戊寅中書侍郎侯蒙罷蔡京惡之也 辛巳詔以來年正月一日祇受命寶時得于闐大玉踰二尺色如截肪帝乃製爲寶文曰範圍天地幽贊神明保合太和萬壽無疆篆以蟲魚制作之工幾于秦璽號曰受命寶帝甚重之曰八寶者國之神器至于定命乃我所自製也 十一月庚寅詔太師魯國公蔡京五日一朝次赴都堂治事恩禮寵數並如舊制 辛卯鄭居中起復爲太宰以余深爲特進少宰中書侍郎白時中爲中書侍郎 壬辰復置醴州 丙申太傅致仕何執中卒贈太師清源郡王謚正獻 升石泉縣爲軍 十二月甲寅朔有星如月 丁巳以薛昂爲門下侍郎甲子金成州都統烏楞古舊作韓魯古今改等敗遼秦晉國王瀋兵于蔡山瀋初遺烏楞古書議和烏楞古告于金主金主曰歸我行薩喇舊作賽刺今改及送阿蘇等則和議可成瀋軍蔡山烏楞古及知東京事沃梭舊作韓魯論今改等進攻顯州遼怨軍帥郭藥師乘夜來襲沃梭擊走之烏楞古遂與瀋戰敗走烏楞古追至額勒錦舊作阿里真今改破遂拔顯州于是乾懿豪徽成川惠等州皆降于金遼主下詔自責遣伊勒希巴扎拉與大公鼎諸路募兵 戊辰詔天神降于坤寧殿刻石以紀之 庚午以童貫領樞密院 命戶部侍郎孟揆于上清寶籙宮之東築山以象餘杭之鳳皇山

號曰萬歲周十餘里 辛未御筆改老子道德經爲太上混元上德皇帝道德真經 丁丑遷以西京留守蕭伊
蘇爲北府宰相 癸未以張商英爲觀文殿大學士 是歲大旱帝以爲念侍御史黃葆光上疏言蔡京驕悍自
專侈大過制無君臣之分鄺居中余深依違畏避不能任天下之責故致此災不報且欲再上章京權勢震赫舉
朝結舌葆光獨出力攻之京懼中以他事貶知昭州立山縣又使言官論其附會交結泄漏密語詔以章揭示朝
堂安置昭州 王仔昔倨傲而蔡帝待以客禮故遇宦者若僮奴又欲羣道士宗已林靈素忌之與宦者馮浩誣
以言語怨望下獄死

卷第九十三

宋紀九十三

起著雍閏茂正月盡上
章瓘十二月凡三年

徽宗體神合道駿烈遜功聖文仁德憲慈顯孝皇帝

重和元年

遼天慶八年
金天輔二年

春正月甲申朔御大慶殿受定命寶百僚稱賀

金楊朴言自古英雄開國或受禪必先求

大國封冊金主遂遣使如遼丁亥遼遣耶律努克等如金議和以蕭奉先等言許之可以弭兵故也

收異案金史太
祖紀不書遣使

求冊遼醜其事而隱之也 己丑大赦應元符末上書邪中等人亦得準依無過人例 庚戌以翰林學士承旨王黼

今據送天史訛紀修入之

爲尙書左丞黼祥符人美風姿有口辯才疏雋而寡學術然多智善佞初因何執中薦擢校書郎遷左司諫張商

英在相位寢失帝意帝遣使以玉環賜蔡京於杭黼覘知之因數條奏京所行政事并擊商英及京復相德其助

己歲中三遷爲御史中丞黼欲去執中使京專國遂疏執中三十罪已而改翰林學士會京與鄭居中不合黼復

納交居中京由是怨之徙爲戶部尙書將陷以罪黼以智獲免還爲學士承旨至是遂入政府 遼保安軍節度

此爲試讀，需要完整PDF請訪問：www.ertongbook.com